

Cov Ntawv Ceeb Toom

Tej zaum yuav muaj ib daim ntawv ntxiv lo rau ntawm lub hwj tshuaj, los sis yuav muaj lus ceeb toom sau ze rau ntawm daim ntawv lo rau lub hwj tshuaj.

Piv txwv hais tias, daim ntawv ceeb toom no hais tias, "Tsis txhob noj yam tshuaj no yog tias koj xeeb tub lawm."

Do not take other medicines without checking with your doctor or pharmacist

Main Street Pharmacy (612) 555-1234
1200 Main Street North, Minneapolis, MN


Dr. R. Wilson
Rx No: 300443-1 12/04/2005

JOHN JOHNSON

TAKE ONE TABLET BY MOUTH, DAILY.

Zocor Tabs Mfg Merck

Qty: 30
 REFILLS: 3 BEFORE 12/08/04



DO NOT TAKE THIS DRUG IF YOU BECOME PREGNANT

Daim ntawv ceeb toom no hais tias, "Tsis txhob noj lwm yam tshuaj, tsuas yog koj tus kws kho mob los sis kws tshuaj twb tso lus rau koj noj lawm ua ntej tso, koj mam li noj."

Muaj ntawv ceeb toom ntau hom. Tej daim ntawv qhia hais tias yuav tsum muab cov tshuaj cia rau qhov twg. Piv txwv hais tias:

Muab cia hauv tub yeas



Muab cia rau ib qho chaw txias thiab qhuav qhuav.



Muab cia rau ib qho chaw uas me nyuam yaus ncau tsis cuag.



Tej daim ntawv lo qhia seb koj yuav tsum noj yam tshuaj li cas. Piv txwv hais tias:

Muab co co ua ntej koj siv.



Yuav tsum haus dej ntau thaum noj yam tshuaj no.




Noj yam tshuaj no li 30 na thi ua ntej noj mov.




Tej daim ntawv lo qhia tias yuav tsum ua li cas thaum koj noj yam tshuaj no. Piv txwv hais tias:


Tseem ceeb uas koj noj los sis siv yam tshuaj raws nraim li cov lus qhia hais. Tsis txhob ncuaj tej lub sij hawm noj tshuaj los sis tsum tsis noj yam tshuaj lawm, tsuas yog thaum koj tus kws kho mob hais kom ua li ntawd xwb.



Thaum koj noj yam tshuaj no, koj yuav tsum tsis txhob tiv tshav ntuj thiab/los sis cov teeb kub kub ntev.




Tej zaum yam tshuaj no yuav ua tau rau koj mob plab me ntsis. Cia li noj yam tshuaj no ntxuag ib co cracker, khob cij los sis ib pluag mov me me.




Tej daim ntawv lo qhia tias koj yuav tsum tsis txhob ua dab tsi thiab dab tsi thaum koj noj yam tshuaj no. Piv txwv hais tias:

Tsis txhob haus cawv thaum koj noj yam tshuaj no.



Tsis txhob haus mis nyuj los sis noj tej yam zaub mov uas muaj mis nyuj nyob hauv thaum koj noj yam tshuaj no.



Tsis txhob noj ntawm qhov ncauj.




Tej daim ntawv lo qhia txog tej kev phiv los sis fab yam tshuaj no. Piv txwv hais tias:


Tej zaum yuav ua rau koj nkees nkees los sis kiv kiv taub hau.



Thaum koj noj yam tshuaj no tej zaum cov tshuaj uas pab tiv thaiv kom tsis txhob muaj me nyuam yuav tsis muaj zog txaus tiv thaiv kom tsis txhob muaj me nyuam lawm. Yuav tsum siv tshuaj ntxiv thiab/los sis siv lwm txoj kev tiv thaiv kom tsis txhob muaj me nyuam.



Tej zaum yam tshuaj no yuav ua rau koj feeb tsis meej txaus tsav los sis khiav ib lub tshuab. Xyuam xim mus txog thaum koj paub tias yam tshuaj no ua li cas rau koj lub cev.



Nyeem tag nrho cov xov xwm rau ntawm daim ntawv lo rau ntawm koj lub hwj tshuaj. Yog tias muaj dab tsi koj tsis to taub zoo, cia li noog koj tus kws kho mob los sis kws tshuaj.



Yog xav paub ntxiv txog cov tshuaj OTC thov saib Cov Ntawv Lo Rau Ntawm Cov Hwj Tshuaj OTC.

Yog xav paub ntxiv txog cov tshuaj uas kws kho mob sau ntawv es thiaj li yuav tau thov saib Cov Ntawv Lo Rau Ntawm Cov Hwj Tshuaj Uas Kws Kho Mob Sau Ntawv es thiaj li yuav tau.

Yog xav paub ntxiv txog tej kev phiv los sis fab tshuaj thov saib Tej Kev Phiv Los Sis Fab.